

Հավելված

«Հաստատված է»

**Երևանի պետական համալսարանի Իջևանի Մասնաճյուղի
գիտական խորհրդի 2020թ. փետրվարի 22-ի թիվ 43 նիստում
ԵՊՀ ԻՄ գիտական խորհրդի նախագահ՝ _____ Ա. Հ. Մակարյան**

ԿԱՆՈՆԱԴՐՈՒԹՅՈՒՆ

**«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻԶԵՎԱՆԻ
ՄԱՍՆԱՃՅՈՒՂԻ «ՏԱՎՈՒՇ» ՀԵՏԱԶՈՏԱԿԱՆ ԿԵՆՏՐՈՆԻ**

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Սույն կանոնադրությունը սահմանում է «Երևանի պետական համալսարան» հիմնադրամի Իջևանի մասնաճյուղի (այսուհետ՝ ԵՊՀ ԻՄ) «Տավուշ» հետազոտական կենտրոնի (այսուհետ՝ Կենտրոն) գործունեության իրավական հիմքերը:
- 1.2. Կենտրոնը կառուցվածքային ստորաբաժանում է, որն իր իրավասությունների սահմաններում ապահովում է ԵՊՀ ԻՄ օրենքով և այլ իրավական ակտերով վերապահված խնդիրների և գործառույթների իրականացումը:
- 1.3. Սույն կանոնադրությունը հաստատվում է ԵՊՀ ԻՄ գիտական խորհրդում:
- 1.4. Կենտրոնը կարող է վերակազմակերպվել կամ լուծարվել համաձայն ԵՊՀ ԻՄ կանոնադրության պահանջների:
- 1.5. Կենտրոնի կանոնադրության և ԵՊՀ ԻՄ կանոնադրության դրույթների միջև հակասություն առաջանալու դեպքում գործում են ԵՊՀ ԻՄ կանոնադրության դրույթները:
- 1.6. Կենտրոնն իր գործունեության ընթացքում ղեկավարվում է ՀՀ օրենսդրությամբ, ԵՊՀ ԻՄ-ի կանոնադրությամբ, ինչպես նաև ԵՊՀ ԻՄ կառավարման մարմինների, իրենց իրավասության շրջանակում ընդունված իրավական ակտերով:

1.7. Կենտրոնի անվանումն է՝

1.7.1. հայերեն լրիվ՝ «Երևանի պետական համալսարան» հիմնադրամի Իջևանի մասնաճյուղի «Տավուշ» հետազոտական կենտրոն:

1.7.2. ռուսերեն լրիվ՝ Исследовательский центр «Тавуш» Иджеванского филиала Ереванского государственного университета:

1.7.3. անգլերեն լրիվ՝ «Tavush» Research Center of Ijevan Branch of Yerevan State University:

1.8. Կենտրոնը իր գործունեությունն իրականացնում է ԵՊՀ ԻՄ անունից:

2. ԿԵՆՏՐՈՆԻ ԳՈՐԾԱՌՈՒՅԹՆԵՐԸ

2.1. Կենտրոնի ստեղծման նպատակներն են՝

2.1.1. ԵՊՀ ԻՄ-ում գիտահետազոտական, գիտակրթական և գիտամեթոդական գործունեության զարգացումը, բնագիտական, սոցիալ-տնտեսական, հումանիտար և մշակույթի ոլորտներում հետազոտական ծրագրերի մշակումը, կազմակերպումը և իրականացումը,

2.1.2. կրթական գործընթացի հետ գիտական հետազոտությունների կապի ապահովումը,

2.1.3. հետազոտական աշխատանքների արդյունքների առևտրայնացումը,

2.1.4. նորարական մշակումների իրականացումը,

2.1.5. հետազոտությունների արդյունքների հրապարակայնացումը,

2.1.6. հետազոտական պայմանագրերի և դրամաշնորհների ներգրավումը,

2.1.7. ներհամալսարանական դրամաշնորհների հայտարարումը և մրցույթների կազմակերպումը,

2.1.8. գիտական սեմինարների, աշխատաժողովների, գիտաժողովների կազմակերպում և անցկացում՝ հայաստանցի և/կամ օտարերկրյա մասնագետների մասնակցությամբ,

2.1.9. գիտահետազոտական աշխատանքներին ուսանողների մասնակցության աջակցումը:

2.2. Կենտրոնի հիմնական խնդիրներն են՝

2.2.1. հետազոտական, փորձագիտական-վերլուծական խորհրդատվական գործունեության իրականացում՝ կազմակերպությունների, իրավաբանական և ֆիզիկական անձանց համար,

- 2.2.2. ԵՊՀ ԻՄ գիտական խորհրդի կողմից սահմանված ոլորտներում դրամաշնորհների մրցույթների հայտարարում և անցկացում,
- 2.2.3. ԵՊՀ ԻՄ-ում իրականացվող գիտական հետազոտությունների թեմատիկային վերաբերող հայաստանյան և համաշխարհային փորձի ուսումնասիրություններ,
- 2.2.4. հետազոտական, փորձագիտական-վերլուծական աշխատանքներում ուսանողների և դասախոսների ներգրավում, նրանց գիտական, ստեղծագործական մտքի զարգացման համար համապատասխան պայմանների ստեղծում,
- 2.2.5. հայաստանյան, արտասահմանյան և միջազգային կազմակերպությունների հետ համատեղ հետազոտական գործունեության կազմակերպում,
- 2.2.6. կրթական գործընթացում Կենտրոնի կողմից իրականացված հետազոտությունների ու մշակումների արդյունքների գործնական կիրառման աջակցություն:

2.3. Կենտրոնն իրականացնում է հետևյալ գործառույթները՝

- 2.3.1. Կազմակերպում և իրականացնում է տարածաշրջանի սոցիալ տնտեսական զարգացման և անվտանգության ապահովմանն ուղղված կիրառական և հիմնարար հետազոտություններ,
- 2.3.2. բացահայտում է տարածաշրջանի հետազոտական կարիքները և ձևավորում գիտական հետազոտությունների ծրագրեր, այդ թվում՝ երկարաժամկետ,
- 2.3.3. իրավաբանական և ֆիզիկական անձանց համար կազմակերպում է գիտական հետազոտությունների և մշակումների պատվերների կատարում,
- 2.3.4. կազմակերպությունների հետ համատեղ կազմակերպում է ծրագրային փաստաթղթերի փորձաքննություն, կազմակերպում է ներհամալսարանական դրամաշնորհների փորձաքննություն,
- 2.3.5. խթանում է դասախոս-ուսանող համատեղ հետազոտական աշխատանքների կատարումը,
- 2.3.6. հետազոտական գործունեության իրականացմանը ներգրավում է գիտնականների և փորձագետների,
- 2.3.7. նպաստում է անհրաժեշտ տեղեկատվական և նյութատեխնիկական բազայի ձևավորմանն ու զարգացմանը, ստեղծում է տարածաշրջանի և Կենտրոնի

հետաքրքրությունների շրջանակներում գտնվող այլ հետազոտությունների էլեկտրոնային բազա և պարբերաբար համալրում այն,

2.3.8. կազմակերպում է հետազոտությունների արդյունքների հրապարակումը:

3. ԿԵՆՏՐՈՆԻ ԿԱՌԱՎԱՐՈՒՄԸ

3.1. Կենտրոնի գործունեությունը կազմակերպում և ղեկավարում է Կենտրոնի ղեկավարը՝ իր իրավասությունների սահմաններում, ԵՊՀ ԻՄ և սույն կանոնադրության համաձայն:

3.2. Կենտրոնի ղեկավարը՝

3.2.1. կազմակերպում, ծրագրում, համակարգում, ղեկավարում և վերահսկում է Կենտրոնի ընթացիկ գործունեությունը:

3.2.2. Կենտրոնին վերապահված խնդիրների և գործառույթների վերաբերյալ առաջարկություններ է ներկայացնում ԵՊՀ ԻՄ տնօրենին,

3.2.3. իր իրավասություններ սահմաններում հանձնարարություններ է տալիս Կենտրոնի աշխատակիցներին,

3.2.4. տնօրենին առաջարկություններ է ներկայացնում Կենտրոնի աշխատակիցների նկատմամբ խրախուսանքի և կարգապահական տույժի միջոցների կիրառման վերաբերյալ,

3.2.5. ապահովում է Կենտրոնին վերաբերող տնօրենի հրամանների, ցուցումների, հանձնարարականների և առաջադրանքների և ԵՊՀ ԻՄ գլխավոր խորհրդի որոշումների կատարումը,

3.2.6. զբաղվում է Կենտրոնի միջազգային համագործակցության ընդլայնման հարցերով,

3.2.7. կազմակերպում և ապահովում է Կենտրոնի գործունեությունը,

3.2.8. իրականացնում է ԵՊՀ ԻՄ կանոնադրությամբ, սույն կանոնադրությամբ, տնօրենի հրամաններով, այլ կրավական ակտերով և պաշտոնի անձնագրերով նախատեսված այլ գործառույթներ,

3.3. Կենտրոնի աշխատակիցների իրավունքներն ու պարտականությունները որոշվում են ՀՀ օրենսդրությամբ, ԵՊՀ ԻՄ կանոնադրությամբ, սույն կանոնադրությամբ, պաշտոնի անձնագրերով:

3.4. Կենտրոնի աշխատակիցներն իրավունք ունեն՝

3.4.1. մասնակցել Կենտրոնի գործունեությանն առնչվող կազմակերպական հարցերի քննարկմանը,

3.4.2. զբաղվել մասնագիտական գործունեությամբ և գիտահետազոտական աշխատանքով,

3.4.3. Կենտրոնի սարքավորումները և տարածքները, ինչպես նաև՝ ԵՊՀ ԻՄ կրթական, գիտական, սոցիալ-կենցաղային և այլ ռեսուրսները սահմանված կարգով օգտագործել հետազոտական և գիտական գործունեության համար,

3.4.4. հանդես գալ Կենտրոնի և իրենց վերապահված ոլորտներում իրականացվող աշխատանքների արդյունավետության բարձրացման վերաբերյալ առաջարկություններով:

3.5. Կենտրոնի աշխատակիցները պարտավոր են՝

3.5.1. ապահովել մասնագիտական գործունեության և գիտական հետազոտությունների բարձր մակարդակ,

3.5.2. ապահովել ԵՊՀ ԻՄ կանոնադրությունը, սույն կանոնադրությունը և ԵՊՀ ԻՄ ներքին կարգովանոնը,

3.6. Կենտրոնի կազմում ներառված են ԵՊՀ ԻՄ հաստիքացուցակով նախատեսված մասնագետները:

3.7. Կենտրոնի աշխատակիցների գործառույթները սահմանված են տվյալ աշխատակիցների պաշտոնի անձնագրերում:

4. ԿԵՆՏՐՈՆԻ ԳՈՐԾՈՒՆԵՈՒԹՅԱՆ ԴԱԴԱՐԵՑՈՒՄԸ

4.1. Կենտրոնի գործունեությունը կարող է հիմնական կամ ժամանակավոր դադարեցվել, Կենտրոնը կարող է լուծարվել ԵՊՀ ԻՄ տնօրենի որոշմամբ:

4.2. Կենտրոնի գործունեությունը կարող է հիմնական կամ ժամանակավոր դադարեցվել, Կենտրոնը կարող է լուծարվել, ի թիվս այլ դեպքերի, նաև՝ իր գործառույթների կատարման նպատակահարմարությունը կամ անհրաժեշտությունը կորցնելու, կամ գործառույթների կատարման անհնարինություն առաջանալու դեպքերում:

4.3. Կենտրոնի գործառույթների իրականացման անհնարինության պատճառներ կարող են հանդիսանալ, ի թիվս այլ դեպքերի, նաև՝ ֆորսմաժորային իրավիճակները, Կենտրոնի ֆինանսավորման մասնակի կամ ամբողջական դադարեցումը, բյուջետային պլանավորումը համապատասխան մարմնի կողմից չհաստատվելու հանգամանքը, և այլն:

4.4. Կենտրոնի լուծարման դեպքում Կենտրոնի հաշվեկշռին առկա գույքի հարցը լուծվում է ԵՊՀ ԻՄ կանոնադրության համապատասխան: